
ФАРҒОНАДА 2022 ЙИЛ ДАВОМИДА 21 377 ГЕКТАР МАЙДОНДА ЗАМОНАВИЙ СУВ ТЕЖОВЧИ ТЕХНОЛОГИЯЛАР ЖОРИЙ ЭТИЛАДИ

Ўзбекистон Республикаси Президентининг 2022 йил 1 мартдаги “Қишлоқ хўжалигида сувни тежайдиган технологияларни жорий этишни янада такомиллаштириш чора-тадбирлари тўғрисида”ги қарорига кўра, 2022 йил давомида Фарғона вилоятида 21 377 гектар майдонга замонавий сув тежовчи технологияларни жорий қилиш белгиланган. Шундан, томчилатиб суғориш 18 919 гектарни, ёмғирлатиб суғориш 2 280 гектарни, дискретли суғориш 178 гектарни ташкил этади.

«Tomchi-reestr» ЯЭРга киритилган, ўтган йилларда сувни тежайдиган технологияларни жорий этиш ишларини сифатли амалга оширган ҳамда бозор иқтисодиётида эркин рақобат талабларига тўлиқ жавоб бера оладиган 10 та пудрат ташкилотлари бугунги кунда ушбу йўналишда иш олиб бормоқда. Улар томонидан ўтган қисқа давр мобайнида 8 минг гектардан зиёд майдонда қурилиш-монтаж жараёнлари амалга оширилиб, ҳозирги кунга қадар қарийб 3 минг гектар майдонда ишлар тўла якунланди.

Бизни ижтимоий тармоқларда кузатинг [Facebook](#), [Telegram](#), [Facebook](#), [YouTube](#), [Instagram](#)

2022-06-11 14:57:40